

Muhdú pámeere páné iínújiri ijcyáné miamúnaa meijcyáiyóne

Tujkénúeju

ihyaamtí pañétú caatúvane páné iínújĩne múnadítýú tsaate tsatsíhvú idyóbéévéne muhdú miamúnaa meijcyáiyóné pityácójcatsĩne.

Ditsiééberédípye 10-ri 1948 ijcyáné pijcyábari tsaate páné iínújĩné túkevjtsojtédítýú pihcyaaavé ipítýácójcatsí muhdú miamúnaa meijcyáiyóne. Á;ané dobéévé "Naciones Unidas" néemeé. Aaméhjáa téijyu caatúnú 30-neva miamúnaa maávyejúúlléiyonéhji. Aanéhjáa imí iijtsúcunúnéllii néeme ténehji páné iínújĩne múnáake iúúbállémeíki. Téhduréhjáa néeme ténehji cáátúnúmeiháámí pahúllevávú pámehdívúré itsújááve téhaami ditye patsíhjiávúré iééveki.

Á;ané boonétúhjáa iñe méiínújí túkevjtsojte téhdure ipihcyáávéne nées páneere 30-neváa cáátúnúmeiñé muhdú néhdu meijcyáiyóné méiínújiri.

Aane ténehji mewáábyuta ijcyáhi. Á;nehji múu imíñeúvú iwáájácúne tehdu ijcyáhi. Aane tsá múu ihdyivúré pícyootúne. Múu iñahbé mudívú pajtyétsó ténehji ditye iwáájácúne tehdu iijcyaki.

Pityájcoju iñdénúmeiñe

Muurá pámeere tsáápiitsa méboohówama meijcyane mewáájácúmeícyá botsíi máájíyúiníyá muhdú imí meijcyáiyóne. Á;ánéllii tsá tsaate tsíjtyé hójtsí pañe meícyáityuró ícubáhrádu. Tsá tsaate tsíjtyedi meícubáhráityuróne. Íllure mépiáábójcatsíiyá pámeemáyé imí meijcya tútávátsójcatsítyúme.

Á;rone teene méboohówá ijcyaróné mewáájácútúné níjcaúvú muurá tsaate muhdú imí meijcyáiyódú ijcyatúme illure tsaatédí ícubáhrahíjcyáhi. Aane ehdu ditye méénune pámeere miamúnadivuro imityúne. Muurá pámeere íínújiri ijcyáné miamúnaa méijyácunúrá tsaimíyé meijcyáiyóneri. Tsá múha méhdivu túútaválléityuró meihjyuvánee, iñá mecáhcujtsónee, ijcyane. Aame tsá iñneri meíllityéityuróne. Tsá pihtójú pañe meijcyáityuróne. Ehdu meijcyane pámeere miamúnaa imí méijtsúcunúhi.

Ehdu imityúné medárfílvéjcatsíiyóné iñdétú ijcyáiyóné mééma túkevjtsojúúne. Muurá tsaate imityúné meke méénúhajchíí téénej téeveri tsaimíyé méimíbáchójcatsíhi. Muurá tene ijcyátuca tsáijyu máavyéjujte ijcyáromema mémúnáátsójcatsíiyáhi.

Aane mewáájácucáro téénej téeveri pahúllevá iínújĩne múnáama imí meijcyáiyáhi. Tsá tsaatéké menéhnílléityuróne. Muurá pámeere miamúnaa íínújiri meijcyame méimíllé tsahdúré imí meijcyáiyóne.

Muuráhjáa 'Páné Iínújĩne Múnáá Pihcyááve' némeiñé pañe tsúúca ítsaavémé muhdú pámeere miamúnaa wajpíimúáyé walléemú meijcyame tsahdúré maávyejúúlléjcatsíiyóne. Aame mépiáábójcatsíiyá panéjcuávú tsahdúré pámeere imí meijcyaki. Á;ané pityájcoju iñe muhdú miamúnáake mépiáábóiyóné tsúúca mééma ijcyáneri méwaajácútsó páhduube cómiñe múnáajpi méboohówama meijcyane ditye íávyejúúlléne icyáhcújtso imí iijcyaki.

Muuráhjáa 'Páné Iínújĩne Múnáá Pihcyááve' némeiñé pañe íjcyame nées páhduube cómiñe múnáajpi méboohówama, méijtsútuma, meijcyame maávyejúúlléjcatsímyé múhójtsí pañe meijcyátuki. Aamée pítyácójcatsí muhdú miamúnáake ipiááboiñé imí ditye iijcyaki.

Aane ímiáané tehdújuco pámeere wáájácúiyóné muhdú túkevjtsoju néhdu meijcyame maávyejúúlléjcatsíiyóne.

Ahdícyane 'Páné Inújĩne Múnáá Pihcyááve' némeiñé pañe íjcyame néé ténehji néhdu páhduube íiñújiri íjcyáné m'ámúnáajpi méijcyáiyóné mewáábyuta tene íjcyanélliíhye. Á;áneri meljyacunúiyá muhdú tene néhdu méijcyáiyóneri. Á;hdure tsíjtyeke méúwáábóiyá méiñúji múnáa íjcyátúróméhjimájuco ditye tehdu íjcyaki. Ehdu imí méijcyáiyá tsúuca teene mewáájacumé teenéi wáájácutúme pamévamáye.

Á;ané túkevéjtsojúúné illu nééhií:

1. Túkevéjtsoju

Pámeere íiñújiri méijcyame tsá múhójisí pañe ícubáhrádú méijcyáityuróne. Pámeere tsahdúré imí méijcyame mewáájycatsíñe mépiáábójcatsíiyá tsaatéké éhdiíwálletúme éhne mú mépañétúéné nahbémuma méijcyadu.

2. Túkevéjtsoju

ĩne íhyaamítú muhdú tene cáátuvádú méijcyáiyá pamévamáyé memúnáa íjcyátúrómema. Tsahdúré meijtsúcunúiyá pamévakéré wajpíímuke, walléémuke, pahdúváré méjpííhañe menéérómeke, pahdúváré meihjyúvárómeke, muhdú Píívyéébeke cáhcújtsórómeke, tsáijyu múúne tsaate múhdurá túkevéjtsojtédítýú íjtsámeiyómeke, tsííñe íiñúji múnáa íjcyárómeke, íhtsútúmeke, ídáátsórómeke, muhdííwátsihjívú tsíímáwámeiyómeke; pámeekéré tsahdúré méijtsúcunúiyá tsaatéké éhdiíwálletúme.

Téhdure tsá múhdurá meijtsúcunúityuró tsáijyu múúne tsaate túkevéjtsojte múhdurá íiñúji múnáake túkévéjtsórómeke. Tsá ditye ítyaúhbajúúné múhdurá méénúróné pañe íjcyámeke meéhdííwálleítyuróne. Tsáné íiñúji múnáa tsaaté hójtsí pañe múhdurá íjcyárómeke tsá meéhdííwálleítyuróne. Tsahdúré méijtsúcunúiyá iiye túkévéjtsómeiyómema diityéke.

3. Túkevéjtsoju

Páhduube imí méijcyáiyáhi. Á;ámeke tsá múha íínerí meke ipátsaríjcyómeke tútávájtsóityuróne.

4. Túkevéjtsoju

Tsá tsaate meke íhyójtsí pañévú pícyoome ícubáhrádú méijcyame diityé íícúve múnáa méijcyáityuróne. Tsá muucá m'ámúnáadívú menáhjihénúityuróne. Eene tsáma ávyeta tsá ímíllémeityúne.

5. Túkevéjtsoju

Tsá tsaatédí meícubáhráityuróne. Tsaatéké meúwáábócooca chooco méúwáábóiyáhi. Tsá meméénúityuró iyáábeke mú méénudu.

6. Túkevéjtsoju

Páhduube m'ámúnáajpi íne méiñújiri ihdyícyátsii méijcyarómé téhdure méijcyá teene túkevéjtsojúúné pañe. Aame mépiivyété tsaatéké menééne mewáábyuta páme wáábyutaré tene íjcyane meke ipíááboki.

7. Túkevéjtsoju

Tsáné ímibájchoju tsaatéma meméénúcooca tsá tsaatékére mépiáábóityuróne. Pámeemáyé tsahdúré ímibájchoju méénúmeíiyá muhdú ímichi teene taúhbaju néjijtóri.

8. Túkevéjtsoju

Pámeere miamúnadama imityúnéhjĩ imibájchoobe imibájchóiyá tehdiivane diityémá pájtyécooca muhdú taúhbaju néhdu tsaatéké éhdiivállétuubére.

9. Túkevéjtsoju

Tsá tsaatéké peecútéré meékeévéne mecúvejáánúityuróne. Téhdure tsá peecútéré tsaatéké méiĩnújitu meijchívyétsóityuróne.

10. Túkevéjtsoju

Tsaate tsíjtyé hallúvú imityúnéhjĩ imibájchóóbeke úbálléijvu dííbye éllevu péemema imíñeúvúré imibájchóíyoobe muucá éhdiivállétuubére. Á;rónáa ihdyu tsá díbye tsaatékére píáábóityuróne. Méénúíyoobe muhdú teene taúhbaju néhdu tsahdúré pámeemáye.

11. Túkevéjtsoju

Tsaate tsíjtyé hallúvú imityúné úbállécooca tsá peecútéré menééityuro imiáané tehdujuco tene ijcyane. Tujkénú pañetu úbállémeíiyomé muhdú tene ijcyane imíñeúvú mewáájácuki.

Muuráhjáa taúhbajúi imíñeúvú pánéévetúnáa tsaate múhdurá ijcyáromé hallúrí tsá pahdu iná ijcyatúne. Á;ijyúu imityúné méénúomeke tsá icyooca ijcyané taúhbaju néjijtórí meúwáábóityuróne. Méúwáábóiyá téijyúu ijcyané taúhbaju néjijtórí. Á;rónáa ihdyu icyooca tsaate imityúné méénúhajchíí botsíi meúwáábóiyá muhdú icyooca ijcyané taúhbaju néjijtórí.

12. Túkevéjtsoju

Tsá tsaatéké ineri mepátsárijcyóityuróne; tsá tsaaté já mepátsárijcyóityuróne; tsá tsaate tsíjtye éllevu wállóóné waajácúháaimí meéévéityuróne; tsá tsaatédítyú néhniyu mewááóityuróne. Ehdu nénéhí ihdétú ijcyané mééma taúhbajúúné páme wáabyuta meke tene ityéhmeki.

13. Túkevéjtsoju

Tsáné iĩnújiri meijcyame mépiivyété mepééiyóné kiávú méimilléhullévu. Aame méijcyáiyá kiá méimillétsihyi.

Muurá pamévare mépiivyété tsííñé iĩnújivu mepééiyóne. Aame méóómíiyá méiĩnújivu méimillécooca. Aane tsá múha meke tsáhájtsóityuróne. Muurá mépiivyété mepééne méimilléhajchíí téhulle meijcyaki.

14. Túkevéjtsoju

Muurá méiĩnújiri ícúbáhraméi pañe meijcyáhajchíí mépiivyété mepééiyóné tsííñé iĩnújivu. Á;ané iĩnúji múnáa tsaimíyé meke waatsúcúpéjtsóiyá imí diityémá meijcyaki. Tsá meke ditye cátúhtsópéjtsóityuróne.

Á;rónáa tsáijyu múúne méhdityuré ijcyane imityú medárhívémeihijcyámé ihdyu tsá mepíivyetétsú tsííñé iĩnújivu mepééiyóne. Awááréjuco íñe muhdú íhyaamí pañétú tene néhdu meijcyátúhajchíí muurá tsá mepééityuróne.

15. Túkevéjtsoju

Pamévare miamúnáa méijcyá tsáné iĩnúji múnáa. Aane tsá múha meke nééityuró tsáné iĩnúji múnáa meijcyatúne.

Téhdure tsá múha meke peecútéré wállóóityuró tsííñé iĩnújivu. Téhdure idyé tsá múha

meke nééjuri tsííñé iinúji múnáajpiyéjuco meijcyáityuróne.

16. Túkevétsoju

Pamévare miamúnaa wajpiímumáyé wallémú piivyété ityáábavájcatsíñé iééve úújetétsihvu iimilléhajchííjyu. Aame tsúuca tsája múnáa íjcyame piivyété itsíínaváne. Á;ánetu tsá múha diityéké tsáhájtsóityuróne. Tsá muhdú tene néetu muutéhji dítye íjcyane, muhdú Piívyéébeke dítye úraavyéne. Muurá pámeere piivyété tyáábavájcatsíñé. Aane dítye táábavájcatsímyé avyéjúúlléjcatsíiyá tsahdúre. Téhdure wáágóójcatsíyómé avyéjúúlléjcatsíiyá tsahdúre.

Á;ánetu tsá muucá metáúhbáityuró dítye ityáábavájcatsíki. Caatyé ityáábavájcatsíñé imillémé pánetu iiye iimilléhajchíí piivyete ityáábavájcatsíñé.

Muurá ihdyu pánetu meijcyájuco teene tsája múnáa meijcyane. Aame pámeere méijcyá tsahdúré meinuji túkevétsojié túkevétsojú pañe.

17. Túkevétsoju

Muurá pámeere tsáapiitsa méijcyátsíhji méijcyáiyá meimilléhajchííjyu. Téhdure tsaaté múnáa ilinújima íjcyáiyá iimilléhajchííjyu. Aane tsá múha tsáhájtsóityuróne.

Aane tsá peecúteré múhdityú íjcyátsíí múha dójtúcúityuróne.

18. Túkevétsoju

Pámeere miamúnaa mépiivyété muhdú méjtsámeídyú meijcyáiyóne, kéjijtóri Piívyéébeke meúráavyéiyóne. Téhdure mépiivyété tsájiótótú tsíjiótóvú mepájíyéiyóné muhdú meimillédu. Aame idyé mépiivyété híná méjtsámeíñeri, híná mecáhcújtsóneri méihjyúváyóne mééréétsihvu. Téhdure mépiivyété medóbeévétsihvu tsíjtyeke meúwáábóné keená eúráavyejijto.

19. Túkevétsoju

Pámeere mépiivyété híná méjtsámeíñé méjyújcaáyóiyóné tsijtye iwáájácuki. Aane muhdú méjtsámeíñé méihjyúváné hallútú tsá múha meke tsáriíléityuróne. Muurá mépiivyété panévare mewáájane. Téhdure mépiivyété muhdú tsíjtyé íjtsaméí íjcyane mewáájacúné waajácúhaamíné meéévénej tééveri. Muurá idyé mépiivyété híná méjtsámeíñé mecáátunúne, meúwaabóne. Aane páneere mépiivyété ihdyícyádhullévú tsííñé inújñéví metsújaúcúne. fñehji páneere mépiivyété meméénune mecáátúnúneri, méihjyúvánéri, panévaríyé muhdú meimillédu. Á;ané hallútú tsá múha meke híná nééityuróne.

20. Túkevétsoju

Pámeere mépiivyété tsatsíhvú medóbeevéné mepítyácójcatsíki. Téhdure mépiivyété tsáha múnáa tsáné wákimyei meenuhá pañévú meúcaavéne.

Á;rónáa ihdyu tsá múha meke ávyeta táúhbáityuró tsáha múnáajpi meijcyaki.

21. Túkevétsoju

Pámeere mépiivyéterá méiinúji túkevétsojié íjcyáha múnáa pañévú meúcáávéiyóne. Meere meúcaavéné mepívyetétúhajchíí tsíjtyeke meméménúmeke mewáállóóiyá mecápayóóve.

Muurá pamévare mépiivyéterá méiinúji túkevétsojte níwáávéné wákimyéiháñé meméénúiyóne.

Muurá pámeere miamúnaaré mémenúme tsáné iinúji túkevétsojte íjcyáhi. Teene meenúme

caatyéké ityújkevééllémeke téévéneúvúré imyéménúneri. Aane tsá tsaatéré píivyetétú teene imyéeñune. Muurá pámeere mépiivyété meméménúne. Á;rónáa tsá múha meke táúhbatyuró tsaate metújkevééllétúmeke meméménuki. Meere páñetu caatyé meíjtsúcunúmeke méméménúiyáhi. Téhdure idyé méméménúiyá tsaatéké muhdú meímílléjítóri. Á;rónáa ihdyu imíñeúvú tene íjcyáiyódú méméénúiyáhi.

22. Túkevéjtsoju

Pámeere méhdi íjcyáiyóné ñne tájpi meíjcyane. Á;nejcútú méiiñújí avyéjajte meke píáábóiyá ipíivyetédúneri. Téhdure tsíñéhjí inújñine múnáa dsíídsivámé meke píáábóiyá ñne tájpi meíjcyáiyóné meíjcyátsótúmeke. Aame ñná meke píhtótúmé tsúúca imí mepánéévémedi tsá múha méhdi úúhívatéityuróne. Ehdu meíjcyáiyá imí memúnáama meíjcyame meúráávyé méíhdé múnáaúvúu úráávyehíjcyánetu kéjítójí imí meíjtsúcunújítóji.

23. Túkevéjtsoju

Pámeere mépiivyété méwákimyéima meíjcyáiyóne. Á;rónáa idyé tsá tééneri ávyetá ícúbáhraméi méméénúityuróne. Aane teene wákimyéi túkévejtsomé tsaímíyé meke túkévéjtsóiyáhi. Á;ñnetu tsáijyu múúne tsaate íwákimyéima íjcyátúhajchíí paméváre mepíáábóiyá téhdure íwákimyéima ditye íjcyaki.

Pámeere mépiivyété tsahdúré meújciúiyóné méwákimyéi áhdó muhdú mewákímyeíñé tujkévevu.

Pámeere wákimyéi múnáa ñná íwákímyeíñe áhdó újciúiyá tééne tájpi ísímema imí íjcyame íávyejúúllémeíki. Aane tsáijyu múúne tsaaté wákimyéi áhdó úújetétúhajchíí tsíjítóriyējuco diityéké tene ahdómeíiyóné tsijtye diityéké píáábóneri.

Pámeere wákimyéi múnáa piivyété idyóbéévéne ipityácójcatsíiyóné muhdú íwákimyéi tsíñéhjima íjcyane íímíbáávyétsoki.

24. Túkevéjtsoju

Pámeere mépiivyété méwákimyéityúi tsárahja mewáyééévéiyóne. Aane tsá mewákimyéi mepátyéévétsóityuróne. Eeveríyé mewákímyeíiyáhi. Muurá téénéllii íjcyáné téénetu mewáyééévehíjcyárahji. Á;rójcoojíji áhdó meújciúiyá téjcoojíji mewákímyeítyúrónáaaca.

25. Túkevéjtsoju

Pámeere mépiivyété tsaímíyé meíjcyáiyóné méétsímema. Aame mejháháñema meíjcyámedítyú tsá majcho, wájyamu, tsíñéhjí ñne tájpi meíjcyáiyóné píhtóityuróne. Mechémécooca métáábímyéiyáhi. Íjcyáné tsíñéhjí téhdure imí meke píáábóiyonéhji. Á;nejcúhjitú mepíáábójcatsíiyá imí tsaméhjí meíjcyaki. Tsaate íwákimyéima íjcyátúmeke mepíáábóiyá ditye téhdure íwákimyéima íjcyaki. Téhdure kéémemu, pííbájyujte tsijtye ídátsó nééme íwákímyeíiyóné píivyetétúmeke mepíáábóiyáhi.

Téhdure idyé walléémú éévájtema tsíniéwuúmuke tsaímíyé météhméiyá imí ditye íjcyaki. Tsá apáámyéré imí ityáábávájcatsíñe tsííánáváméj tsíímeke metéhméityuróne. Téhdure imí táábávájcatsítyúróméj tsíímeke tsaímíyé météhméiyáhi.

26. Túkevéjtsoju

Pámeere mépiivyété waajácúhaamíé mítéiyóne. Tsá tsíime waajácúhaamíné íttetúmé íjcyáityuróne. Imíllémeíñé pámeere tsíime waajácúhaamíné íttéiyóne. Aane tsá áhdómeítyúne. Téhdure pámeere mépiivyété éhniíñevújuco íjcyáné uwáábovu meúcáávéiyóné méwákimyéima meíjcyaki. Tsá tsaaté wáábyutáre tene íjcyáityuróne.

Páneere uwáábó ijcyá méwáábyuta meke tene wájácúúvetsómé pamévakéré maávyejúúlleki. Aame tsá meéhdíívalléityuró tsííñé iínújí múnáa, tsíjyúhjíri íhjuvámee, Píívyéébé icyánéjcyú pahdúváré úráávyerómee, íjcyámeke. Á;ánej tééveri 'Páné Iñújííne Múnáa Pihcyááve' némeímyé túkevétsoju néhdu páhduube cómíñe múnáajpi imí íjcyaki.

Muurá pámeere mépiivyété méétsíímeke keená imí meíjtsúcunúné ditye áábohíjcyátsihvu meúácóiyóne.

27. Túkevétsoju

Pámeere mépiivyété muhdúhjáa meíhdé múnáaúvú icyahíjcyánetu imí meíjtsúcunújítójí meúráávyéiyóné majtsíháñe, nuutáháñema tsíñehjí imí nénehjí. Á;néhjitu tsá múha meke píivyetétú ibóíjcyúiyóne. Téhdure tsíñehjí éhniíñevu mépiivyété mewáájácúiyóné méicyánéjcyúene íjcyátúronéhjí keená meke píááboiyonéhjí mewáájácuki.

Pámeere mépiivyété meméénúiyóné tsane, mecáátúnúiyóné tsané íjtsaméi. Á;néhjí hallúvú ímichi teene méénume dsíídstváiyáhi. Tsá tene ímíllémeítyú tsane meméénune tsijtye iékéévéne hallúvú dsííktváiyóne.

28. Túkevétsoju

Pámeere tsíñehjí iínújííne múnáama mépiivyété meíjcyáiyóné túkevétsojú pañe imí meíjcyaki. Á;ánélliihyée muurá páhduube panévá iínújííne múnáajpi idyóbéévéne meenú túkevétsoju. Aane tútávájtsóiyóné taúhbaju muurá tsá íjcyatúne. Ehdu íjcyáiyóné muhdú íhyaamí pañétú tene néhduú.

29. Túkevétsoju

Pámeere máhallurí teene memúnáama imí meíjcyánetu meke píaabóné meméénúiyóne. Á;ánetu méwaaajácúiyá ímíáané tsúuca mewájácuuvéjucóomé imí mepáneevéne.

Á;ánéllii tsúuca íjcyané méema panévatúré meke túkévéjtsóiyóné taúhbajúúné pámeere tsahdúré imí meíjcyaki. Aame tsá metútávátsójcatsíítyuróne. Pámeere pátsáricyójcatsítyúme meíjcyáiyá tsahdúré imí meíjcyaki. Tsá múha píivyetétú ímíllédú meke idyáríívéiyóné tehdu múhójtší pañe meíjcyámekéjíívari.

Muuráhjáa íñe túkevétsojúúné néhdu tsaímíyé meíjcyáiyáhi. Aane tsá múha tsíhdyuréjtsóityuró 'Páné Iñújííne Múnáa Pihcyááve' némeiñe pañee íjcyame méénúné túkevétsojúúne.

30. Túkevétsoju

Páneere íñe íhyaarní pañe íjcyané túkevétsoju méénúmeíñe tsá múha tsíñejcúvúré illéébóne ímíllédú tsaatéké dáríívéityuróne. Tsáíjyu múune tsaápi, tsaáte, méiíñújí túkevétsojte íjcyarómé tsá tehdu méénúityuróne.